



Folkhälsomyndigheten

VACCINATION MOT INFLUENZA OCH COVID-19, OKTOBER 2023, MEÄNKIELI

Vaksinauuni flynsaa ja covid-19 vasten

Kansanterhveysvirasto suosittellee ette kaikki henkilöt jotka oon 65 vuotta ja vanheemat ja henkilöt muissa riskiryhmissä vaksineerauttavat ittensä.

Vaksinasuuni oon ilhmainen

Kansanterhveysvirasto halvaa informeerata seuraavista:

- Henkilöitä riskiryhmässä priuriteerathan ko oon kyse vaksinasuunista flynsaa ja covid-19 vasten. Vaksinasuuni oon ilhmainen koko maassa henkilöile riskiryhmissä.
- Se mennee hyvin vaksineerauttaa itteä yhtä aikaa ko säsonkiflynsaa ja covid-19 vasten.
- Uskottavasti niin flynsa ko covid-19 leviävät tänä talvena. Vaksinasuuni oon paras keino suojata niitä joilako oon lissäintynny riski tulla vakavasti saihraaksi.
- Vaksiini ei suojaa sata prosenttisesti, mutta se helpottaa infekuunia jos sitä sairastuu vaikka sitä oon vaksineerattu.

Riskiryhmiä priuriteerathan

Seuraaville ryhmile suositelhaan vaksinasuuni flynsaa ja covid-19 vasten ja niitä ryhmiä priuriteerathan (ilman keskenhäistä järjestystä) vaksinasuunile:

- Henkilöt jotka oon 65 vuotta elikkä vanheemat.
- Raskhaanaolevat jälkhiin 12 raskhausviikon.
- Täyet 18 vuen ikäsistä joilako oon seuraavat saihrauet, tiaknoosit elikkä tilantheet:
 - Kruuninen syän- ja verisuonitauti matkhaan räknätty stroke. Covid-19:ille jällaa kansa verenpainotauti.
 - Kruuninen keukkosaihraus, niinku KOL ja vaikea elikkä tasaton astma.
 - Muita tiaknoosia elikkä tilantheita jotka johtavat heijomphaan keukkotoihmiin elikkä huonomphaan rykimävoihmaan (esimerkiksi kauhea lihavuus, neuromyskyläariset saihrauet elikkä monitoimintarajotus).
 - Kruuninen maksa- elikkä munhaisvajatoiminta.
 - Diabetes mellitus tyyppi 1 ja 2.
 - Tilane joka tarkottaa vakavasti heikkeintynyttä imynivastustusta saihrauen elikkä hoijon takia matkhaan räknätty Downs syndroomi.

Muut ryhmät jotka erityisesti pitää huomioitua covid-19 vaksinasuunille, näitten määriteltyitten riskiryhmitten lisäksi, on henkilöt jotka, jokapäiväisessä elämässä, tarttevat apua aktiviteetitten kansa kotipalvelulta elikkä sen semmoselta. Henkilöitä joilako on huomattavasti heikkeintynny terveys muista syistä ko ylhäälä olevista tiaknoosista pitää kansa huomioitua.

Semmoset muut syyt saattavat olla psykiatrinen saihraus elikkä temensi, ja kansa haitalinen alkohoolinkäyttö elikkä huuhmeen käyttö.

Seuraaville ryhmille suositelhaan vaksinasuuni flynsaa vasten:

- Lapset 6 kuukauesta 17 vuotihashiin joilako on saihrauksia, tiaknoosia ja tilantheita ylhääläolevan listan mukhaan täysile.
- Huushollikontaktia, niin lapsila ko täysilä, henkilöitten kansa joilako on vakavasti heikkeintynny imynivastustus,
- Henkilökunta hoijossa ja huolossa jock on töissä potihlaitten ja huolon saajitten kansa joilako on lissäintynny riski saaja vakavan flynsan, esimerkiksi erityisasunoissa vanheemille (SÄBO) ja kotipalvelussa.

Hoitava lääkäri saattaa tehdä henkilökohtasen arvioinin vaksinasuunitarpheesta.